



Qeveria e Republikës së Maqedonisë
Agjencia për përkrahje financiare në bujqësi dhe zhvillim rural

Në bazë të nenit 14 paragrafi 2 (a) nga Ligji për ratifikimin e Marrëveshjes ndërmjet Qeverisë së Republikës së Maqedonisë dhe Komisionit të Unionit Evropian për rregullat e bashkëpunimit në aspekt të ndihmës financiare nga KE për Republikën e Maqedonisë dhe zbatimin e ndihmës sipas komponentit V (IPARD) të Instrumentit për ndihmë para-hyrëse ("Gazeta Zyrtare e RM" nr. 165/2008) dhe në bazë të Pjesës V paragrafi (5) të Programit për shfrytëzimin e mjeteve nga Instrumenti për ndihmë para-hyrëse për bujqësi dhe zhvillim rural të Unionit Evropian (IPARD) për periudhën 2007-2013 (Gazeta Zyrtare e RM nr. 93/2013),

Agjencia për përkrahje financiare në bujqësi dhe zhvillim rural

më 15 shkurt të vitit 2014 shpall

THIRRJE PUBLIKE nr. 01/2014

për dorëzimin e kërkesave për shfrytëzimin e mjeteve nga IPARD Programi 2007-2013

Agjencia për përkrahje financiare në bujqësi dhe zhvillim rural (në tekstin e mëposhtëm: Agjencia) si institucion kompetent dhe organ kontraktues për zbatimin e Instrumentit për ndihmë para-hyrëse për bujqësi dhe zhvillim rural të Unionit Evropian (IPARD) i fton të gjithë interesuarit persona fizik dhe juridik nga Republika e Maqedonisë të dorëzojnë kërkesa për shfrytëzimin e mjeteve nga IPARD Programi 2007-2013 për masat në vijim:

Masa 101 – Investime në ekonomitë bujqësore me qëllim të ristrukturimit dhe mbindërtimit të tyre për arritje të standardeve të Unionit Evropian

Masa 103 – Investime për përpunim dhe marketing të prodhimeve bujqësore dhe peshkut me ristrukturimin dhe mbindërtimin e tyre për arritje të standardeve të Unionit Evropian

Masa 302 – Diverzifikimi dhe zhvillimi i aktiviteteve ekonomike rurale

1. Përkrahja financiare për këtë Thirrje publike është e përbërë prej 75% mjete të siguruar nga komponenti i pestë e Instrumentit për ndihmë parahyrëse për zhvillim rural të Unionit Evropian (IPARD), në përputhshmëri me Marrëveshjen financiare shumëvjeçare 2007-2011 dhe 25% mjete të siguruar nga Buxheti i Republikës së Maqedonisë.

2. **Mjete financiare për kërkesë individuale** jepen si përkrahje financiare e pakthyeshme (grant) në shumë prej 50% nga vlera e harxhimeve të pranueshme. Përkrahja financiare për masën 101 mund të jetë:

- 55% e vlerës së shpenzimeve të pranueshme për bashkëfinansim të investimeve të ekonomive bujqësore bartës i së cilës është në moshën prej 18 deri në 40 vjet në ditën e dorëzimit të kërkesës për shfrytëzim të mjeteve nga masa 101.

- 60% e vlerës së shpenzimeve të pranueshme për bashkëfinansim të investimeve të ekonomive bujqësore në rajonet malore.

- 65% e vlerës së shpenzimeve të pranueshme për bashkëfinansim të investimeve të ekonomive bujqësore në rajone malore dhe bartës i së cilës

është në moshën prej 18 deri në 40 vjet në ditën e dorëzimit të kërkesës për shfrytëzim të mjeteve nga masa 101.

- 75% për projekte për investim të realizuara në rajone ku Komisioni ka përcaktuar se kanë ndodhur fatkeqësi të jashtëzakonshme natyrore ose për investime të ekonomive bujqësore me qëllim të realizimit të direktivës nitratre për mbrojtje të ujërave nga ndotja të shkaktuara nga nitratat që dalin nga bujqësia që është lëndë e ekzistimit të strategjisë nacionale.

3. **Afati i fundit për dorëzimin e kërkesave është 17 prill 2014.**

4. **Tërheqja e formularëve dhe udhëzuesve:**

Formularët e nevojshëm për "Kërkesën për shfrytëzimin e mjeteve financiare nga IPARD Programi 2007-2013" si dhe "Udhëzuesin për shfrytëzimin e mjeteve financiare nga IPARD Programi 2007-2013" në të cilët janë të përmbajtur të gjitha informatat për kriteret, kushtet për pranueshmëri të projekteve dhe kushtet për financim dhe informatat tjera të cilët janë të nevojshme për përgatitjen e kërkesës për shfrytëzimin e mjeteve nga IPARD Programi 2007-2013, Udhëzues për përgatitjen e Planit Afarist, Udhëzues për dhënien e dokumentacionit të nevojshëm nga institucionet kompetente dhe informacione të tjera të dobishme në versionin elektronik mund të merren nga ueb-adresa e Agjencisë: www.ipardpa.gov.mk.

Formularët e shtypura prej kërkesës për shfrytëzimin e mjeteve nga IPARD Programi 2007-2013 si dhe udhëzuesin për shfrytëzimin e mjeteve financiare nga IPARD Programi 2007-2013 mund të merren drejtpërdrejt në Agjencisë në adresën:

Agjencia për përkrahje financiare në bujqësi dhe zhvillim rural

bul. 3 - ta Makedonska Brigada nr 20.

(ndërtesa Makedonija Tabak, bloku C)

1000 Skkup

dhe në qendrat më të afërta rajonale të **Agjencisë për nxitje të zhvillimit në bujqësi** çdo ditë pune **prej orës 8:30 deri më 16:30**. (Lista qendrave rajonale apo njësjive punuese të Agjencisë për nxitje të zhvillimit në bujqësi me të dhëna për kontakt është e shpallur në ueb-adresën www.ipardpa.gov.mk).

5. Mënyra e dorëzimit të kërkesës:

Kërkuesi duhet të plotëson dhe të dorëzon Kërkesë për shfrytëzimin e mjeteve nga IPARD Programi 2007-2013 për masë individuale, Plan Afarist të përgatitur sipas Udhëzuesit për përgatitjen e Planit Afarist dhe dokumentacionit të shoqëruar siç është e cekur në Kërkesën për shfrytëzimin e mjeteve nga IPARD Programi 2007-2013. Informata më detaje për kërkesat specifike për pranueshmëri janë të specifikuar në Udhëzuesin për shfrytëzuesit e mjeteve nga IPARD Programi 2007-2013.

Kërkesa për shfrytëzimin e mjeteve nga IPARD Programi 2007-2013 dhe Plani Afarist përpunohen në gjuhën maqedone.

Kërkesa e plotësuar për shfrytëzimin e mjeteve nga IPARD Programi 2007-2013 së bashku me Planin Afarist dhe dokumentacionin e përgjithshëm të nevojshëm dorëzohet në zarf të mbyllur me shenjë në pjesën e përparme të zarfit në këndin e majtë të epërm "MOS E HAP" për Thirrjen Publike 01/2014 dhe shënimin e shifrës së masës për të cilën dërgohet kërkesa. Kërkesa mund të dërgohet me postë si dërgesë e rekomanduar ose personalisht në recepcionin e Agjencisë.

Me rëndësi: Kërkuesit duhet të kenë të paguara të gjitha obligimet në lidhje me tatimet dhe kontributet që kanë të bëjnë me sigurimin social, shëndetësor dhe pensional. Dokumentin për tatimet dhe kontributet e paguara Agjencia e siguron në mënyrë zyrtare nga DHP gjatë shqyrtimit të kërkesës.

Vërejtje:

Kërkesa për shfrytëzimin e mjeteve nga IPARD Programi 2007-2013, Plani Afarist dhe dokumentacioni i dorëzuar NUK KTHEHEN. Për kryerjen e kontrollit në teren nga ana e Agjencisë duhet që kërkuesi të ketë në vetvete kopje nga dokumentacioni i përgjithshëm i dorëzuar deri te Agjencia

Informata më detale në kontakt tel. (02) 3097-460 ose në kontakt e-mail adresën: ipardpa.info@ipardpa.gov.mk dhe në ueb-faqen: www.ipardpa.gov.mk





**Instrument për ndihmë parahyrese për zhvillim rural të Unionit Europian
(IPARD) 2007-2013**

